

## كلمات زفة كل الكواكب

تلتفت كل الكواكب  
فوق وتشاور لها  
تصرخ بعالي سماها  
هيفاء يا هيفاء أنا  
تنتظر كل الكواكب  
وبين بس منزلها  
والحظيظة الأرض يوم  
قالت ابنزل هنا  
جت وجابت كل عالي  
وكل مايحلا لها  
وإنزلت بين الضلوع  
وقام فيها حظنا  
و لابسة الغيم طرحة  
والفخر سلسالها  
وأمرت شهب ونجوم  
ونورتنا بأرضنا

---

### كورال

تلتفت كل الكواكب  
فوق وتشاور لها  
تصرخ بعالي سماها  
انتي يا كل الحلا

---

جابت الشمس بيديها  
والقمر خلخالها  
جابت نجوم الليالي  
وجلستهم بيننا  
كل نجمة فيها لمحة  
من عظيم خصالها  
الوفاء والقلب الأبيض  
وطيب نيات وهناء  
كل طهر معانق له  
طيب يوم وصالها  
وكل زين من لمحها  
قال إيه الله لنا  
والحلى ماكنه إلا  
ما انخلق إلا لها  
تمشي وتساقط حلى  
يالطيب الطف بنا

---

## كورال

تلتفت كل الكواكب  
فوق وتشاور لها  
تصرخ بعالي سماها  
انتي يا كل الحلا

---

زانها منطوقها  
وكمّلت به حالها  
لا حكّت نسكت لها  
كل أبونا كلنا  
من يشابهها ترف  
حتى لو بظلالها  
انتي يا هيفاء ظلالك  
ماهو زي ظلالنا  
زانها محمد غلاها  
وكمّلت به حالها  
يوم فرحتهم فرحنا  
كل أبونا كلنا  
محمد وهيفاسحابة  
و الفرّح شلالها  
الله ينور سماهم  
بالسعادة والهنا

## كورال

تلتفت كل الكواكب  
فوق وتشاور لها  
تصرخ بعالي سماها  
انتي يا كل الحلا